



MOHAMAD Taufek (dua dari kiri) menyampaikan sumbangan barangan kepada ahli Persatuan Veteran Angkatan Tentera Malaysia Tidak Berpencen pada Majlis Perasmian Mesyuarat Agung Kali Ke-2 di Senawang, Seremban.

Belas nasib veteran

Mohon kerajaan negeri dan khas bantu peniaga kecil-kecilan

Oleh Mohd Amin Jalil
am@hmetro.com.my

+ Seremban

Usaha membantu veteran tentera meningkatkan taraf ekonomi akan diberi perhatian oleh kerajaan negeri.

Pengerusi Jawatankuasa Bertindak Pembangunan Belia dan Sukan negeri, Mohamad Taufek Abd Ghani berkata, pihaknya akan mencadangkan kepada Menteri Besar, Datuk Seri Annuddin Harun supaya mem-

peruntukkan dana khas kepada golongan itu menerusi Tabung Pembangunan Usahawan Negeri Sembilan (TPUNS).

Katanya, tabung itu menyediakan peruntukan RM3 juta tahun ini bagi menyalurkan dana pembiayaan tanpa bayaran RM3,000 kepada setiap individu

pernahon membabitkan golongan sasaran iaitu belia, wanita, peniaga luar ban-

dar dan usahawan dalam bidang pertanian.

"Saya cuba perjuangkan nasib veteran tentera menerusi tabung ini untuk bantu veteran tentera membabitkan diri dalam aktiviti perniagaan kecil-kecilan bagi menambah pendapatan.

"Cadangan ini akan saya bawa pada Mesyuarat Exco minggu depan supaya peruntukan

TPUNS ditambah daripada RM3 juta

kepada RM5 juta.

"Saya akan cadangkan diadakan kuota khas untuk veteran tentera RM500,000. Saya yakin jika faktanya munasabah, insya-Allah dapat perhatian kepimpinan kerajaan negeri," katanya.

Beliau berkata demikian selepas merasmikan Mesyuarat Agung Persatuan Veteran Angkatan Tentera Malaysia Tidak Berpencen (PVAITMB) Cawangan Negeri Sembilan kali ke-2 di Pusat Komuniti Taman Alamanda, Senawang.

Cadang kuota khas untuk veteran tentera
RMS500,000